



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

კიკნაძე მიხეილ გერონტის ძე

კიკნაძე მიხეილ გერონტის ძე [30. V. 1905, პატარა ხარაგაული (ყოფ. სოფელი ხარაგაულის მუნიციპალიტეტში), - 4. III. 1973, მოსკოვი], საბჭოთა გენერალ-მაიორი (1944), არტილერისტი. II მსოფლიო ომის (1939-45) მონაწილე. 1929 დაამთავრა მეთაურთა გაერთ. ქართული სამხ. სკოლის არტილერიის განყ-ბა, 1932 - ქ. სევასტოპოლის საზენიტო, შემდეგ კი - უმაღლესი საარტილერიო კურსები. 1938-იდან იყო საარტილერიო პოლკის, მოსკოვის ზონის ჰაერსაწინააღმდეგო თავდაცვის საზენიტო პოლკის (1941-43), პირველი გვარდიული საზენიტო დივიზიის (1943-45) მეთაური, მოსკოვის რ-ნის საჰაერო დაცვის სარდლის მოადგილე (1950-54). 1960-იდან თადარიგში გავიდა. ავტორია ავტობიოგრ. თხზულებისა „ქართველი ჯარისკაცი“ (თბ., 1973). დაჯილდოებულია საბრძოლო ორდენებითა და მედლებით.

ლ. დოლიძე
